

LIBER TERTIVS ZO-  
diaci, seu Hortuli duodecim Signo-  
rum cœli, Autore Anton. Mi-  
zaldo Monluciano.

Signa Zodiaci, suam pacem, suâque bella habe-  
re: quemadmodum homines qui sub illis nascun-  
tur: vbi de trigonorum conciliatione, & contrâ.



*P*ax est, vt monui, Signis, & pri-  
sca quevela:  
Quam sequitur mundus, qui cœlo  
seruit vbi que:  
Ergo, si cognata cupis dignoscere  
Signa:

Et quid habent commune sub his fœtus bene nati:  
Lanigeri partum proprio coniunge trigono:  
Cui fœdus socium sociali tradito lege:  
Simplicior tamen est Aries, meliôrque Leone:  
Qui sub te natos etiam, ô Centaur, libenter  
(Præsertim qua parte refers hominem) colit, atque  
Prosequitur: namque est natura mitius astrum:  
Expositumque suæ noxæ, sine fraude, dolôque:  
Nec minus ingenio molli, quam corpore constans:  
Est alius feritas ingens, prædæq; cupido:  
Venalisque animus, qui sepe excedere cogit  
Commoditate fidem: nec longa est gratia facti.  
Est vbi Lanigeri partus cum fratre trigono  
Non gaudet, sed crebra gerit pro tempore bella:  
Quod feritas vtriusque parit, compellit, & instat:  
Plus tamen in duplici tribuendum roboris esset

D ij Cui

Signa ig-  
nea quo-  
modo in-  
ter se con-  
ueniant, &  
dissentiat.

Hæc sunt  
diligenter  
adnotada.

ZODIACI LIBER TERTIVS.

Signa ter-  
rea. Cui commixtus homo est, quàm te, Nemeæe, sub vno.  
Quinetiam Tauri Capricorno iungitur astrum:  
Sed raro sub eis coeunt ad fœdera mentes:  
At, qui Virgineos partus quocunque creabit  
Tempore, Taurinos amplexabuntur vbiq̃ue:  
Quosque ferunt Chelæ: & quos mittit Aquarius ortus,  
Signa. Vnum pectus habent, fideique immobile vinclum.  
Aerea. Magnus erit Gemini: amor, & concordia summa:  
Magnus & in multis erit hinc successus amicos.  
Scorpius, & Cancer fraterna in nomina ducunt  
Signa Aquea. Ex semet genitos: necnon & Piscibus orti  
Concordant: illis sed sæpe est subdolos astus.  
Scorpius aspergit noxas sub nomine amici.  
Quis porro in lucem Pisces venientibus adsunt,  
His non vna manet semper sententia cordi:  
Commutant animos, interdum & fœdera rumpunt:  
Ac repetunt, te tæque lues sub fronte vagantur.  
Sic erit ex Signis odium tibi, paxque notanda:  
Vnde tam Necnon dissimiles, similisque per omnia sensus:  
varia stu- Hinc multos cernes (modò non sis fungus, & infans)  
dia, & vo- Qui quosdam affectant, alios fugiuntque, timèntque:  
luntates in Horum odio, istorum contrà ducuntur amore:  
hominib⁹ Illis insidias tendunt, captantur ab illis:  
Fratri bella gerunt, aliena sede creatis  
Coniunctos animos tradunt, seruántque per æuum.

ADMONITIO in iam dicta.

**H**ic tutum non est solis insistere Signis:  
Contemplare locum cœli, sed èmque τὸ λαμπρῶν:  
Et quo se Signa aspectu videántque, petántque:  
Nam sua quadrato, veniunt sua iura trigono:  
Et qua per senos decurrit virgula tractus,

Quæque



AVTORE ANTO. MIZALDO.

Quæque secat medium transuerso limite cælum,  
Huic modo dat firmam pacem, modo detrahit illi.  
Te reliqua Astrologi, vel me reticente, docebunt.

Signa mobilia, quæ studia, quæque artis & sensus  
natis sub se conciliant.

Signa quoque in fausto sese spectantia vultu,  
Mobilia Astronomis vulgari nomine dicta,  
Dant varias animorum artis: nam prædita motu  
Quæque cito, celeres sensus, agitataque longè  
Ingenerant studia, & penetrabile mentis acumen:  
Atque habiles ad laudem homines, ciuiliâque acta  
Accendunt: quos cura Deûm, & solertia cœli  
Permultum quandoque iuuat: sepe his furor ille  
Faticinus mentis ornat, panditque futura.

Nati sub  
Signis mo-  
bilibus.

Signa fixa quæ studia, quæque &c.

Et curas animi tacitas, frontemque seueram,  
Ac graue consiliis pectus rigidumque, tenâxque  
Iudicium, & non fictum verba sonantia verum,  
Fixa dabunt: eadem argenti que, eadem emula honorum  
Fomenta adiiciunt multis: hinc densa clientum  
Agmina delectant: hinc & certamine in omni  
Peruicisse volunt: commentâque pectoris, acris  
Exponunt studio, atque operâ peragenda tenaci  
Complent: queis defixa manet sententia cordi.

Nati sub  
Signis fi-  
xis.

Signa communia quæ studia, &c.

Quæ docti Astronomi vocitant communia Signa,  
Instabileis reddunt animos, sensusque vagantibus  
Alternant: nil certum vnquã variantia corda  
Insequitur: non firma quidem est sententia: verum  
Mens habilis: resque ad varias versatilis pectus:

Nati sub  
Signis co-  
munibus.

D ij

Nunc

ZODIACI LIBER TERTIVS.

Nunc amor, atque Lyræ studium, somnūsque, Venūsque,  
Ociāque, ignavos reddunt, & pectore molli.  
Sunt quandoque tamen rebus cœlestibus apti:  
Ac musis scribunt, & Phœbo carmina digna.

Signum Zodiaci quodlibet, quas arteis particu-  
latim, de propria natura ac imagine seorsum a-  
gnoscat, & natis sub se, occultè conciliet.

Genethlia  
logica bre-  
uissima.

**C** Vrabit lanas Aries, ac Taurus aratra:  
Et Gemini musas: merces bene Cancer amabit:  
Nasceturque Leo venator: Virgo magistra:  
Libra potens veniet mensuris: Scorpūs armis:  
Centaurūsque feris: cursu Capricornus: & vndis  
Fusor aquæ: gemini gaudebunt æquore Pisces.  
Si mixta in plureis sociantur sidera vireis,  
Tunc alias arteis tribuunt: pro lege, modoque,  
Mixture: quibus adiunges ex arte Planctas.

Notandū.

Signa cœli, & stellas, suas habere eclipsis, & lu-  
minum actionūmq; ad certum tempus interce-  
ptiones. Quod res mundi huius inferioris, quæ  
ab illis pendent, experiuntur ac sustinent.

**A** Ccipe nunc etiam paucis, ecliptica Signa  
Cœli: quæ certos quasi declassata per annos,  
Nonnunquam cessant sterili torpentia luce:  
Scilicet in toto nihil est durabile mundo:  
Perpetuūsque gerit vultus, vñūque tenorem  
Seruat: & in simili se præbet imagine semper.  
Nunc fœcunda suis subsistunt frugibus arua:  
Nunc solitas renuunt fructus, luduntque labores:  
Rursum, quæ fuerant steriles ad semina terra,  
Post, noua sufficiunt nullo mandante tributa,  
Atque iterum in semet redeant: sic tempore certo

Nihil ppe  
tuū, & si-  
bi semper  
simile in  
mundo.

Signa



Signa suis spoliata iacent virtutibus, atque  
 Lumine priuantur, rursus illustrantur eodem:  
 Hoc patet in Luna (dum verè deficit) igne  
 Orba sui fratris, noctisq; immersa tenebris:  
 Cum medius Phœbi radios intercipit orbis  
 Terrarum, impediens ne tanta luce fruatur,  
 Nec trahat ad sese lumen, quo lucida fulget  
 Cynthia: quæ propter fusco velatur amictu:  
 Et mundi sursum nigro flet damna colore:  
 Certè hîc Signa suo pariter cum sidere languent:  
 Ac solitum ponunt pullata fronte vigorem:  
 Et veluti extinctam Phœben in funere lugent:  
 Quam vicina gemunt etiam, cognatæque Signa:  
 Et quæ sunt illis ex ordine strata deorsum:  
 Tantùm conspirant cum summis infima semper.

Eclipsis  
 Lunæ.

Affectis su  
 periorib⁹,  
 inferiora  
 affici.

Signum Arietis in alicuius natiuitate ascendens,  
 vel Horoscopum constituens, quid plurimùm si-  
 gnificet per curriculum vitæ nati. Adhęc, quos il-  
 li mores, & quæ studia appingat.

**N**unc tibi diuersos mores, legesque, norasque,  
 Ac studij motus varios ex ordine pandam,  
 Quos Signum quodcunque dabit nascentibus, ipsum  
 Si ascendens teneat labentis tempore partus.  
 Ergo, vbi se summis Arias extollit ab undis,  
 Et ceruice prior, flexis quoque cornibus exit,  
 Qui tum nascetur, vitæ ali lumine gaudens,  
 Non contenta suo gestabit pectora sensu:  
 Ac dabit in prædas animos, soluetque pudorem:  
 Ingenteis nunc diuitias cumulabit, opumque  
 Proferet vudanteis riuos: nunc rursus in arctam  
 Paupericem miser excurret: nam sideris huius

Natorum  
 sub Ariete  
 pictura,

D iij Est mutare

ZODIACI LIBER TERTIUS.

Est mutare viceis, alternaque fata referre:  
 Insuper, ignotum faciet transire per orbem:  
 Scrutari que nouum pelagus: totius & esse  
 Orbis in hospitio: testis tibi Laniger ille,  
 Qui vitreum findens aurato vellere Pontum,  
 Orbiumque sua Phryxum per fata sorore  
 Phasidos ad ripas, & Colchica terga reuexit.  
 Mittet & in vulgum sic natus, mille per arceis  
 Vellera, diuersos ex se parientia questus:  
 Præterea discet (nisi quis pugauerit illi)  
 Conglomerare rudes, nunc rursus soluere lanas:  
 Ducere nunc telas, & textas vendere vesteis.  
 Astrologi reliqua exponunt: quos consule solers:  
 Propterea quod habet cælum sua condita sacra:  
 In qua non promptè quinis penetrabit a fellus.

Pro hisvi-  
 de Argo-  
 nautica.

Lanifici,  
 & textor-  
 es.

Signum Tauri in alicuius natiuitate ascen-  
 dens, & c.

**H**I quos prima vident nascentis sidera Tauri,  
 Semina mandabunt terris, & segnia rura  
 Vomere proscindent: soluentq; in puluere pectus  
 Prudens: nonne suo Dictator venit aratro?  
 Illa eadem facient, maiorum natus ut omnis  
 Perdat opes: sed eas longo post tempore, & ipsos  
 Successus rerum amplificat: semperq; superbum  
 Prostermit (si quis contrà surrexerit) hostem:  
 Verùm scæmineos gignit, iustissima causa est  
 (Si modo per causas cælestia querere fas est)  
 Auersus venit in cælum, diuesq; puellis  
 Pleiadum est Taurus: redolens muliebria passim.  
 Addam, quod Veneris domus est, soliumq; Dianæ:  
 Fæminei sexus quibus est data cura supernè.

Natorum  
 sub Tau-  
 ro pictura

Cur Tau-  
 rus scæmi-  
 neos gignit.  
 nat.

Signum



AVTORE ANTO. MIZALDO.

Signum Geminorum in natiuitate ascēdens, &c.

**C**Oelestes Gemini concordi sœdere iuncti,  
Nonnullos natis ineunte atate labores  
Portendunt: tamen haud illis pia cura parentum  
Defuerit: nec blandus amor, nec amica voluntas:  
Artibus imbutos decorant, sociantq̄, fideli  
Principibus studio, quibus inservire laborant:  
Arma procul, lituosque volunt, ni concitet ardor:  
Inueniunt & in astra vias, numerisq̄, modisq̄  
Exornant artis: labor his fit mira voluptas.  
Cantus præterea, modulataq̄, vocibus ora,  
Ac docti calami, necnon lectissima verba  
Sunt cordi: ludiq̄, placent, placet insuper ingens  
Discendi desiderium, ni accederet vna  
Impar natura ingenio: tamen artibus apta.

Signum Cancrī in alicuius natiuitate ascendens, &c.

**M**igrans è claustris maternis partus in auras,  
Si restudineus prætendit brachia Cancer:  
Illi diuino promittit munere multa:  
Diuitiæ primum ingentes, & copia rerum  
Vndabit variarum, ac latis prædia campis  
Sufficient latam Cererem, Bacchumq̄, fluentem.  
Porro, nobilitas, & claris insula vittis  
Conferet insignes titulos, magnoque fauore:  
Nonnunquam insidias cognati, ac sanguinis iram  
Nuntiat, aduersosque inimica mente propinquos:  
Ac varios tribuit questus, artēque lucrorum:  
Merce peregrina victum captare per vrbeis,  
Atque per ignotas commercia iungere terras,  
Et rerum pretio subitos componere census  
Cogit: zelotypos faciens, sœuosque maritos.

Natorum  
sub Gemi  
nis pictu-  
ra.

Mathema-  
tici, poë-  
tæ, & mu-  
fici.

Natorum  
sub Cæcro  
pictura.

Mercato-  
res, & in-  
sutores.

Signum

ZODIACI LIBER TERTIVS.

Signum Leonis in alicuius natiuitate ascendens, &c.

Natorum sub Leone picture  
**C**Vi Leo vel primus rutilo fulgebit Olympo,  
 Magnus erit: celebrisque feret praconia fama:  
 Fascibus incumbet, multumque inhabit honori:  
 Ac fiet diues, vigili, summoque labore:  
 Atque nouas pugnas, necnon noua bella per orbem  
 Inueniet: spoliis viuet, viuetque rapinis:  
 Ingenium ad subitas iras, facileisque recessus  
 Componens: sed erit sententia pectore firma:  
 Ille parente carens, & natis, quas habet amplas  
 Non legabit opes: sublatus forte veneno,  
 Aut casus gladio, subita vel morte vocatus.

Signum Virginis in alicuius natiuitate, &c.

Natorum sub virgine picture  
**S**I dabit illustris Virgo incunabula vita:  
 Hac quamquam duros sub prima aetate labores  
 Promittit: tamen in melius conuersa, beata  
 Cana senectutis largitur tempora natis:  
 Quos, & sacra Deum decorabunt: hisque fauebit  
 Vel decus ingenio partum, aut praestantia lingua:  
 Artibus aut variis excultum pectus ad vnguem:  
 Aut tabula extrema, aut merces peregrina fortunae.  
 His amor, his studium est recti, & vetus illa priorum  
 Simplicitas: his cara fides, pectusque Deorum  
 Nitens praesidio: his sicut insomnia vera.  
 Quid petis haec vltra? Virgo castissima, mentem  
 Artibus exornat: nec tam compendia census,  
 Quam causas, viresque monet perquirere rerum.  
 Pictores fingit famam super aethera notos:  
 Necnon doctores legum, scribasque disertos,  
 Et mire artifices: quos praestet littera verbum:  
 Quisque notis linguam superent, cursumque loquentis.

Signum



AVTORE ANTO. MIZALDO.

Signum Libræ in alicuius natiuitate ascen-  
dens, &c.

**S**ub Libra nati, nonnunquam pondera tractant:  
Annonamq;, vnguentaque, nec non munera Bacchi:  
Sed variat fortuna, modo mutabilis omni:  
Nam lasciuum animum mores, & auara cupido  
Inficiunt: non est cordi sententia firma:  
Splendida nec raris exurgit gloria factis:  
Nunc aduersa fori disturbant iurgia: mille  
Nunc lites, atque immeritis certamina caussis.  
In summa, nati sub Libra robore mentis  
Sese confirmant: alios vincuntque ferendo:  
Diuorumq;, loca, & sanctissima templa frequentant.

Religiosi,  
& patientes.

Signum Scorpij in alicuius natiuitate ascendens, &c.

**Q**uævis vite primam nascendo porrigit horam  
Scorpius, ac huius referat clausa ostia lucis:  
Arteis inducit miras, & mentis acumen  
Eximium: verum ira ingens, & pectoris astus,  
Ac varij exagitant motus: multumq;, fatigant  
Aduersa, & tamen hos fœlicia fata, potensque  
Euentus manet: ac sobolis iucunda propago.  
Atque vtinam non & patria tellure relicta,  
Externas querant vrbes: nec prima sepulchro  
Pignora dent: pro illis magnos subeantque labores.  
Scorpius (vt paucis verbis tibi plurima claudam)  
Ad bellum ardentis animos, & martia corda  
Efficit, ac fuso gaudentem sanguine natum,  
Nec præda, quam cede magis: cumq;, optima passim  
Pax agitur, volat ad sylvas, & lustra ferarum:  
Atque hostem sibi disquirat, cum bella quiescunt:  
Expolians, in gulans, inuadens, atque trucidans.

Natorum  
sub Scor-  
pio pictu-  
ra.

Bellicosus,  
graffato-  
res ac py-  
rata.

Signum

ZODIACI LIBER TERTIVS.

Signū Sagittarij in alicuius natiuitate ascen-  
dens, &c.

**Natorum**  
sub Sagit-  
tario pi-  
ctura.

**I**N cælo Cheiron quoties fulgentia primus  
Ora effert, quicumq; nouas in luminis auras  
Prodierit, quantum pelagi, & quot flumina obibit?  
Quot terra errantem excipient: quot perferet hosteis?  
Et tamen insperata etiam patrimonia adibit:  
Publicaq; insigni geret ille negocia cura:  
Ingenio bonus, atque artibus edoctus honestas:  
Errores porro varios, hostemq; potentem  
Indicat: insidiisq; & multa pericula vitæ:  
Nonnunquam satagit celeres emittere currus:  
Ardentis & equos ad mollia ducere frena:  
Ac latis armenta sequi pascentia campis:

**Animaliū**  
rectores,  
ac ferarū  
domito-  
res.

Quadrupedum omne genus possitis domitare magistris:  
Exorare Tygres: rabiemque auferre Leoni:  
Cūmque Elephante loqui: tantūmque aptare loquendo  
Artibus humanis varia ad spectacula molem:

Quippe feræ mixtum est hominis per sidera corpus:  
Viq; intenta gerit curuato spicula cornu,  
Sic venatores fingit, doctōsque sagittæ:  
Ac nervos tribuit membris, & acumina cordi:  
Motus perceleres, & vix lassabile corpus:  
Pectora clara mouens, bello, magnisq; triumphis  
Conspicuum, patrias victorem ducit ad ædis:  
Qui nunc constituet, nunc condita mœnia vertet.  
Quandoque, Arcitenens libris largitur, & arte  
Cogere sub numeros verba, atque innectere chordis:  
**Medici, &** Noscere plantarum vireis, vsūmque medendi:  
**chirurgi.** Et curare manu vulnus, verbisq; lenare:  
Ac sedare animos, & vincere dura ferendo.

Signum



AUTORE ANTO. MIZALDO.

Signum Capricorni in alicuius natiuitate ascen-  
dens, &c.

**Q**uem Caper exoriens nascentem respicit, ille  
Rem faciet: cumulat opes: sed sponte per orbem,  
Visendi studio allectus, discurret abunde:

Natorum  
sub Capri  
corno pi-  
ctura.

Hunc amor in teneras stimulabit crebrò puellas,  
Ac dabit imperiis dominæ: verùm arida postquam  
Deserit sitis, & longè exsatiata libido,  
Languabit, multis odiis, ac verberè tundet:

Hypocri-  
tæ.

Huic mens tecta nimis premet altum corde dolorem:  
Exteriùs monstrans aliud, quàm pectore claudat:  
Vt tamen imponat populo, per templa frequenter  
Errabit, superos simulata voce fatigans:

Nec satis hoc, Capricorne, homines perducis ad arteis  
Ignis: nam quidquid nostros emittit in vsus  
Vulcanus, posciturque nouas ad munera flammæ,  
A te procedit: scrutari occulta metalla,

Ferrarij  
fabri, far-  
tores, & a-  
lij.

Depositas & opes, terræq; inquirere venas  
Ostendis: quidquid carbonibus vsque paratur,  
Quidquid & argento conflatur, quidquid & auro,  
Hoc tibi de prisco deberi iure fatemur:

Tractas præterea seruentibus æra caminis:  
Addis & in vesteis studium, mercemque fugacem:  
Sed tibi sordities propria est, inflat. que sæpe  
Mens stupet, & rerum obscura caligine pendet.

Signum Aquarij in alicuius natiuitate ascendens, &c.

**S**i quis habere cupit partum docilemque, probumq;  
Is debet nasci cum primus Aquarius exit,  
Occani linquens vndas, terramque salutans:  
Namque bonas arteis solers tractabit: opesque  
Inde sibi multas, fidusque parabit amicos:

Natorum  
sub Aqua-

Atque

ZODIACI LIBER TERTIVS.

rio pictu- *Atque suis illinc meritis, magnoque fauore*  
 ra. *Iunget amicitias primorum ex vrbe virorum:*  
*Munera quin etiam scriptis commissa tabellis,*  
*Siue Deum in templis diuina negocia curans,*  
*Sentiet inuidia vulnus, liuentiaque arma:*  
*Hinc, & opes perdet, quas forti pectore fretus,*  
*Ingenij donis, facili ratione reponet:*

Piscato- *Cognatas etiam largitur Aquarius arteis:*  
 res, & a- *Venari pisceis, vndas inducere terris:*  
 quaru cu- *Ac varios fabricare lacus, & querere fonteis:*  
 radores. *Paucis, quidquid aqua prestant, hoc prestat & ille.*

Signum Piscium in alicuius natiuitate ascendens, &c

Natorum *Ille vnus, quem caeruleo de gurgite Pisces*  
 sub Pisci- *Nascendo aspicient, Orientis in arce locati,*  
 bus pictu- *Ignotas vrbeis viset: longumque vagatus,*  
 ra. *Notescet peregre externis nouus aduena terris.*  
*Quinetiam ingenioque valens, ac arte, per orbem*  
*Magno erit in precio nonnunquam (forte parente*  
*Agresti natus) quo fiet, clarus vt ille*  
*Ad maiora gradu conscendat munia certo:*  
*Vix tamen inuidiam fugiet: quam franget, apertum*  
*Vlciscens hostem facile, atque ex ordine, quemuis.*  
*Interdum Ponti studiis capietur: amabit*  
*Quidquid & in proprios pelagus desiderat vsus:*  
*Fluminaque, ac portus mundi perquiret, & orbem*  
 Nautæ & *Vndis lustrabit: connectens sidera Ponto:*  
 hydro - *Cognoscet ventos, naualiaque arma, sciētque*  
 graphi. *Huc modò, nunc illuc caligine vertere clauum:*  
*Ac franare ratem, fluctibusque effindere canos:*  
*Et placidum ductis cucurrere retibus aquor:*  
*Littoribusque suis populos exponere captos.*

Signa



AUTORE ANTO. MIZALDO.

Signa Zodiaci humanos facientia, & contrâ, &c.

**H**umanum Signum quotquot nascentibus, vltro  
Ascendet, claros humanis moribus, atque  
Mansuetos reddet: si brutum, siue ferinum  
Difficiles, rigidos, tristes, sauos, & agresies:  
Et qui cum paucis, quàm multis viuere malint.  
Quod nunquam faller, si cæli rex, dominusque  
Natalis, Signo in tali spectabitur esse:  
Cætera de nostra disces quandoque Mathesti.

Admonitio in præcedentia, & hæctenus scripta:  
quæ pro conclusione haberi potest.

**Q**uisquis es, ô Lector, qui fructum carpere gestis  
Ex his, te paucis iterumque, iterumque monebo,  
Maturè vt videas labentis tempore fœtus  
Signum quod scandit: nec non dominumque, ducemque  
Illius: quis sit cum quo miscetur, agitq;  
Fœlix, infœlixne suo circumuolet orbe:  
Ex quo deinde loco præsit, noceátue: quis hospes,  
Quam teneat sedem, cuius sit cardinis: ad des  
Et reliqua innumera à priscis descripta: tibiq;  
Vt fructum faciant gratis concessa, Deorum  
Munere: quos curare hominum res, credere par est.  
Plurima quæ restant scitu dignissima, paucos  
Expediam ante dies: modò doctos ista probasse  
Audiero: quæ si posse placere, est gloria summa.

FINIS LIBRI TERTII ZO-  
diaci, & vltimi, autore Antonio  
Mizaldo Monluciano.

Hęc vide-  
ant Ge-  
nethliolo-  
gici.

Res nō fa-  
cilis velle  
feriō ex a-  
stris philo-  
sophari:  
quod ani-  
maduer-  
tant impo-  
stores ali-  
quot.

LIBRARY OF THE UNIVERSITY OF DUISBURG

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.